



Bosna i Hercegovina
Federacija Bosne i Hercegovine
Bosansko-podrinjski kanton Goražde
MINISTARSTVO ZA BORAČKA PITANJA

P R A V I L N I K
O USLOVIMA, NAČINU I KRITERIJIMA
ZA PRIZNAVANJE PRAVA NA PARTICIPACIJU TROŠKOVA ZA PRIKLJUČAK NA
INFRASTRUKTURALNE MREŽE

Goražde, februar 2020. godine

Na osnovu člana 56. i 66. Zakona o organizaciji organa uprave u Federaciji BiH („Sl. novine Federacije BiH“ broj:35/05) i člana 145. stav 3. Zakona o dopunskim pravima branilaca i članova njihovih porodica u Bosansko-podrinjskom kantonu Goražde («Službene novine Bosansko-podrinjskog kantona Goražde» broj: 9/13, 11/14 i 15/19), Ministar za boračka pitanja Bosansko-podrinjskog kantona Goražde, uz saglasnost Vlade Bosansko-podrinjskog kantona Goražde, **d o n o s i:**

P R A V I L N I K
O USLOVIMA, NAČINU I KRITERIJIMA
ZA PRIZNAVANJE PRAVA NA PARTICIPACIJU TROŠKOVA ZA PRIKLJUČAK NA
INFRASTRUKTURALNE MREŽE

POGLAVLJE I-OPĆE ODREDBE

Član 1.
(Osnovne odredbe)

Ovim Pravilnikom definišu se korisnici prava, uređuje način i postupak ostvarivanja prava na participaciju troškova za priključak na infrastrukturne mreže (voda, električna energija, kanalizacija i dr.), podnošenje zahtjeva, obavezna dokumentacija, uvjeti za ostvarivanje prava, kriteriji za određivanje visine sredstava, prioriteta za ostvarivanje prava, način realizacije, finansiranje i ostvarivanje ovih prava.

Član 2.
(Korisnici prava)

Pravo na participaciju troškova za priključak na infrastrukturne mreže (voda, električna energija, kanalizacija i dr.), mogu ostvariti lica iz člana 1. Zakona o dopunskim pravima branilaca i članova njihovih porodica (Službene novine Bosansko-podrinjskog kantona Goražde» broj: 9/13, 11/14 i 15/19) (u daljem tekstu: korisnici).

Član 3.
(Objava javnog poziva)

Ministarstvo za boračka pitanja Bosansko-podrinjskog kantona Goražde (u daljem tekstu: Ministarstvo) za svaku godinu, a nakon usvajanja Budžeta Bosansko-podrinjskog kantona Goražde (u daljem tekstu: Kanton), objavljuje javni poziv za ostvarivanje prava na participaciju troškova za priključak na infrastrukturne mreže (voda, električna energija, kanalizacija i dr.).

POGLAVLJE II-NAČIN, POSTUPAK I KRITERIJI ZA OSTVARIVANJE PRAVA NA PARTICIPACIJU TROŠKOVA ZA PRIKLJUČAK NA INFRASTRUKTURALNE MREŽE

Član 4.
(Način podnošenja zahtjeva)

(1) Zahtjev za ostvarivanje prava na participaciju troškova za priključak na infrastrukturne mreže (voda, električna energija, kanalizacija i dr.), lica iz člana 2. ovog Pravilnika podnose Ministarstvu.

(2) Podneseni zahtjevi za ostvarivanje prava iz stava 1. ovog člana važe za budžetsku godinu u kojoj su podnijeti.

Član 5.

(Obavezna dokumentacija za ostvarivanje prava na participaciju troškova za priključak na infrastrukturne mreže voda, električna energija, kanalizacija i dr.)

(1) Obavezna dokumentacija koju dostavljaju svi podnosioci zahtjeva na participaciju troškova za priključak na infrastrukturne mreže (voda, električna energija, kanalizacija i dr.):

- a) Zahtjev sa tačnom adresom i brojem kontakt telefona;
- b) Dokaz o statusu branioca Bosne i Hercegovine iz člana 1. Zakona o dopunskim pravima branilaca i članova njihovih porodica (Uvjerenje o vremenu provedenom u Oružanim snagama);
- c) Dokaz da podnosilac zahtjeva po prvi put rješava svoje stambeno pitanje odnosno da isto nema adekvatno rješeno na području Kantona i opštinama iz stava 2 člana 1. Zakona o dopunskim pravima branilaca i članova njihovih porodica (uključujući i članove porodičnog domaćinstva):
 - ugovor o podstanarskom odnosu ovjeren od nadležne institucije ili
 - dokaz da se podnosilac zahtjeva i članovi njegovog porodičnog domaćinstva nalaze u privremenom smještaju ili
 - dokaz da podnosilac zahtjeva i članovi njegovog porodičnog domaćinstva nemaju zadovoljavajuće rješeno stambeno pitanje, odnosno da stambena jedinica u ličnom vlasništvu nije priključena na infrastrukturnu mrežu;
- d) Izjavu da podnosilac zahtjeva i njegovi punoljetni članovi porodičnog domaćinstva nemaju rješeno stambeno pitanje na području Bosne i Hercegovine;
- e) Kućna lista;
- f) Fotokopija CIPS-ove lične karte podnosioca zahtjeva i prijava mjesta boravka-prebivališta podnosioca zahtjeva;
- g) Uvjerenje da se podnosilac zahtjeva nalazi na evidenciji Službe za zapošljavanje (za nezaposlene) ili dokaz o visini primanja (za zaposlene), uključujući primanja-prihode iz radnog odnosa, boračko-invalidske zaštite, penzije, samostalne djelatnosti i drugih osnova;
- h) Izjavu da podnosilac zahtjeva, u budžetskoj godini na koju se odnosi podneseni zahtjev, nije koristio jednokratnu bespovratnu pomoć za stambeno rješavanje od Ministarstva;
- i) Posjedovni list za podnosioca i članove porodičnog domaćinstva;
- j) Građevinska dozvola ili urbanistička saglasnost za građenje;
- k) Predračun (elektroenergetska saglasnost, predračun za ugradnju vodomjera i sl.) za priključak na infrastrukturnu mrežu (priključak električne energije, vode, kanalizacije i sl.) izdat od strane javnog preduzeća;
- l) Ostali potrebni dokazi relevantni za odlučivanje o pravu u svakom konkretnom slučaju.

Svi navedeni dokazi moraju biti originalni ili propisno ovjerene fotokopije ne stariji od tri mjeseca.

Član 6.

(Uslovi za ostvarivanje prava na participaciju troškova za priključak na infrastrukturne mreže voda, električna energija, kanalizacija i dr.)

(1) Mogućnost ostvarivanja prava na participaciju troškova za priključak na infrastrukturne mreže imaju lica iz člana 2. ovog Pravilnika pod uvjetom da stambeno pitanje rješavaju prvi put i

da stambeni objekat posjeduje odgovarajuću saglasnost za priključak na tu infrastrukturnu mrežu od ovlaštenog organa, odnosno pravnog lica.

(2) Kod priključka na infrastrukturnu mrežu priznaje se cijena obračunata od strane javnog preduzeća isključivo za monofazni priključak kod električne energije, te obračunata cijena vodomjera, usluga i taksi (za standardni priključak) kod priključka vode, standardni priključak na kanalizacionu mrežu, dok dodatne troškove (elektro-mreža, vodovodne cijevi preko 200 m i kanalizacione cijevi preko 70 m, izvođenje radova i sl.) do mjesta priključenja, obezbjeđuje korisnik ličnim sredstvima.

(3) U ruralnim područjima Kantona i susjednim opštinama iz stava 2. člana 1. Zakona gdje nije instalirana gradska vodovodna mreža licima iz člana 2. ovog Pravilnika mogu se odobriti sredstva za rješavanje vodosnadbijevanja iz mjesnih izvorišta u obimu i visini utvrđenoj u predhodnom stavu ovog člana.

Član 7.

(Uslovi za ostvarivanje prava na participaciju troškova za priključak na infrastrukturne mreže)

(1) Opći uslovi za ostvarivanje prava na dodjelu sredstava za priključak na infrastrukturnu mrežu je da podnosilac zahtjeva pripada boračkoj populaciji i da prvi put rješava svoje stambeno pitanje.

(2) Posebni kriteriji za ostvarivanje prava za priključak na infrastrukturnu mrežu su:

- a) Nezadovoljavajuća stambena situacija i težak socijalni položaj podnosioca zahtjeva;
- b) Porodični standard;
- c) Veći broj članova porodičnog domaćinstva;
- d) Ukupna novčana neto primanja podnosioca zahtjeva, uključujući i primanja po osnovu socijalne i boračko invalidske zaštite, iznose do jedne prosječne neto plaće isplaćene u Federaciji BiH u predhodnoj godini;
- e) Vanredne okolnosti koje podnosioca zahtjeva dovode u posebno težak položaj.

Član 8.

(Kriteriji za određivanje visine participacije troškova za priključak na infrastrukturne mreže)

- a) Ako visina mjesečnih primanja podnosioca zahtjeva (korisnika prava) ne prelazi 50% prosječne neto plaće isplaćene u Federaciji BiH u predhodnoj godini, korisnik prava ima pravo na naknadu u iznosu od 100% stvarnih troškova koji padaju na teret Ministarstva.
- b) Ako je visina mjesečnih primanja podnosioca zahtjeva (korisnika prava) do 75% prosječne neto plaće isplaćene u Federaciji BiH u predhodnoj godini, korisnik prava učestvuje ličnim sredstvima sa 25% ukupnih troškova dok preostale troškove snosi Ministarstvo u iznosu 75%.
- c) Ako je visina mjesečnih primanja podnosioca zahtjeva (korisnika prava) do 100% prosječne neto plaće isplaćene u Federaciji BiH u predhodnoj godini, korisnik prava učestvuje ličnim sredstvima sa 50% ukupnih troškova dok preostale troškove snosi Ministarstvo u iznosu 50%.

Član 9.
(Donošenje rješenja i raspored troškova po osnovu ostvarenog prava)

(1) Postupak priznavanja prava na participaciju troškova za priključak na infrastrukturne mreže na osnovu zahtjeva korisnika, vrši Ministarstvo.

(2) Ministar na osnovu zahtjeva i priložene dokumentacije u skladu sa odredbama ZUP-a, donosi pojedinačna rješenja o priznavanju prava na participaciju troškova.

(3) U dispozitivu Rješenja o priznatom pravu naknade troškova za priključak na infrastrukturne mreže, obavezno treba da stoji: *«Troškovi po osnovu prava priznatih ovim Rješenjem snosit će Ministarstvo u iznosu od _____KM tj. _____%, dok preostali dio troškova u iznosu od _____KM, tj. _____% snosit će korisnik prava.»*

Član 10.
(Nadležni organ za rješavanje po žalbi)

U drugom stepenu postupak po žalbi o priznavanju prava na participaciju troškova rješava Vlada Bosansko-podrinjskog kantona Goražde - Komisija za rješavanje o dopunskim pravima branilaca i članova njihovih porodica u drugom stepenu.

POGLAVLJE III-FINANSIRANJE

Član 11.

Sredstva za participaciju troškova za priključak na infrastrukturne mreže obezbjeđuje se do visine sredstava odobrenih za ove namjene u Budžetu Kantona.

POGLAVLJE IV-PRELAZNE I ZAVRŠNE ODREDBE

Član 12.
(Prelazne odredbe)

Nadzor nad priznavanjem prava i odobravanjem sredstava po ovom Pravilniku vrši Ministarstvo.

Član 13.
(Način izmjena i dopuna)

Izmjene i dopune ovog Pravilnika se vrše na način i po postupku koji važi za njegovo donošenje.

Član 14.
(Tumačenje)

Tumačenje odredbi ovog Pravilnika daje Ministar.

Član 15.
(Primjena Zakona o opštem upravnom postupku)

Odredbe Zakona o upravnom postupku („Sl. novine F BiH“ broj: 2/98 i 48/99), primjenjuju se u svim pitanjima koja nisu uređena posebnim Zakonom i ovim Pravilnikom.

Član 16.
(Stupanje na snagu Pravilnika)

Ovaj Pravilnik stupa na snagu danom dobijanja saglasnosti od Vlade Bosansko-podrinjskog kantona Goražde, a naknadno će se objaviti u „Službenim novinama BPK Goražde“.

Broj:11-11-516-2/20
Goražde, 16.03.2020.godine

MINISTAR

Edin Aganović

Na ovaj Pravilnik Vlada Bosansko-podrinjskog kantona Goražde dala je saglasnost svojom Odlukom broj:03-11-486/20 od 12.03.2020.godine.